

als zween geweest. 3. Vnd zwar jeder ein eigne Kugel: so müssen sie auch absönderlich ganz rund gebliben seyn/wie ers dann auch also abgemahlet. 4. Doch sey die außgestossne etwas wenig kleiner geweest; darauß ich eracht/die vornemste so herab gefahren/müsse beynahend in ihrer Größ gebliben seyn. 5. Wie dann dieselb alte principal Kugel auch in ihrer Stell verharret. 6. Die newe Nebenkugel aber ihr umb etwas auff die seitt hinaus gegen Mittag gewichen. 7. Vnd ein klein wenig vbersich gestigen. 8. Ihr beeder Weitte sey dem Augennuß nach ein Ellen/ das ist 5. oder 6. Grad von einander geweest. 9. Seyen alle beede (wie zuvor auch die einige/ da sie noch allein gewesen) ein kleine weil stillstehend gebliben. 10. Endlich aber alle zwo zumahl an ihrer örtern vnd in einem Augenblick verschwunden vnd erloschen. 11. Doch keinen Strahl hinter sich gelassen / wie etwan die Kometen pflegen. 12. Noch einen Klavff gethan / oder Getöß verursachet/ wie die Salpetrische Materien pag. 16. & 17. Wie wol nun solches andere Leut anderst erzehlen. 1. Etliche/ daß sie gar nit zersprungen / sonder ganz gebliben. Darunder seyn Blatcher/ ist / pag. 22. der sie gleichwol biß ans End gesehen / wie sie nahe vber der Erden verschwunden/ aber solche Zertheilung nicht gemerckt. 2. Etliche hingegen